



Broj: 03/6-50-14-12-17/22

Sarajevo, 16. 3. 2022.

PARLAMENTARNA SKUPŠTINA BOSNE I HERCEGOVINE

- KOLEGIJU PREDSTAVNIČKOG DOMA

- KOLEGIJU DOMA NARODA

Na osnovu člana 65. stav (2) Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20) i člana 55. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH“, br. 58/14, 88/15, 96/15 i 53/16) Zajednička komisija za ljudska prava Parlamentarne skupštine Bosne i Hercegovine je na 17. sjednici, održanoj 7. 3. 2022, usvojila sljedeći

ORIJENTACIONI PLAN RADA ZAJEDNIČKE KOMISIJE ZA LJUDSKA PRAVA ZA 2022. GODINU

Zajednička komisija za ljudska prava Parlamentarne skupštine Bosne i Hercegovine (u daljnjem tekstu: Zajednička komisija) stalno je radno tijelo. Njena nadležnost propisana je odredbama člana 64. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15, 97/15, 78/19 i 26/20) i člana 54. Poslovnika Doma naroda Parlamentarne skupštine BiH („Službeni glasnik BiH“, br. 58/14, 88/15, 96/15 i 53/16), kako slijedi:

Zajednička komisija za ljudska prava razmatra pitanja koja se odnose na:

- a) ostvarivanje ljudskih prava i osnovnih sloboda zagarantiranih Ustavom BiH i zakonodavstvom BiH od državnih organa, javnih institucija i organizacija koje imaju javna ovlaštenja, u slučajevima koje iznese Institucija ombudsmena BiH, građani i entiteti, te o tome obavještava domove;
- b) državljanstvo;
- c) emigraciju, imigraciju, izbjeglice i azil;
- d) provođenje aneksa 6. i 7. Općeg okvirnog sporazuma za mir u BiH;

- e) kretanje i boravak stranaca;
- f) ostvarivanje i zaštitu ljudskih prava i sloboda, te mjere za njihovu efikasniju zaštitu. Komisija neće razmatrati pitanja koja su u toku rješavanja na sudovima i druge sporove, osim ako je riječ o neprihvatljivom kašnjenju u postupku ili evidentnoj zloupotrebi vlasti i samovolji na koju ukaže Institucija ombudsmena BiH;
- g) zaštitu ličnih podataka i saradnju s Agencijom za zaštitu ličnih podataka u Bosni i Hercegovini;
- h) prava nacionalnih manjina u Bosni i Hercegovini;
- i) prijedloge koje dostavljaju građani, uz obavještanje podnosioca o ishodu;
- j) peticije u vezi s povredama ljudskih prava i osnovnih sloboda, usvajajući odgovarajuće mjere i obavještavajući podnosioca i domove o usvojenim odlukama;
- k) saradnju s Komisijom za ljudska prava (predviđenom Aneksom 6. Općeg okvirnog sporazuma za mir u BiH) i Komisijom za raseljena lica i izbjeglice (predviđenom Aneksom 7. Općeg okvirnog sporazuma za mir u BiH), kao i komisijama za ljudska prava u Parlamentu Federacije BiH i Narodnoj skupštini Republike Srpske;
- l) ostvarivanje prava djeteta, posebno poboljšanjem statusa djeteta u Bosni i Hercegovini;
- m) podsticanje aktivnosti u institucijama BiH na provođenju Konvencije o pravima djeteta, kao i podsticanje i ostvarivanje saradnje s komisijama entitetskih parlamenata na poboljšanju statusa djeteta i provođenje Konvencije o pravima djeteta;
- n) razmatranje predloženih zakona i drugih propisa u pogledu prava djeteta i sprečavanje diskriminacije djeteta;
- o) razmatranje pitanja u vezi sa ostvarivanjem prava mladih, posebno poboljšanja prava mladih u Bosni i Hercegovini;
- p) podsticanje aktivnosti u institucijama BiH na usvajanju i provođenju najznačajnijih međunarodnih dokumenata o pitanju mladih;
- r) razmatranje prijedloga dokumenata i izvještaja institucija BiH koji se odnose na prava djeteta i na pitanja mladih, te razmatranje priprema za učešće delegacija Bosne i Hercegovine na međunarodnim skupovima kada se razmatraju pitanja prava djeteta i pitanja mladih;
- s) analiziranje izvještaja o provođenju Zakona o sukobu interesa u institucijama vlasti BiH;
- t) upozoravanje izabranih zvaničnika Parlamentarne skupštine BiH i Vijeća ministara BiH na odredbe Zakona o sukobu interesa u institucijama vlasti BiH radi njegove dosljedne primjene;

- u) razmatranje s Komisijom za odlučivanje o sukobu interesa mogućih slučajeva kršenja Zakona o sukobu interesa izabranih zvaničnika Parlamentarne skupštine BiH i Vijeća ministara BiH;
- v) priprema i utvrđuje Prijedlog kodeksa, te najmanje jednom godišnje dostavlja Parlamentarnoj skupštini Bosne i Hercegovine na razmatranje i ocjenjivanje izvještaj Zajedničke komisije o pitanjima provođenja Kodeksa;
- z) provodi postupak utvrđivanja povrede Kodeksa, te donosi odluku u skladu s odredbama Kodeksa.

Zajednička komisija razmatra i druga pitanja iz oblasti ljudskih prava, ostvarivanja prava djeteta, mladih, imigracije, izbjeglica, azila i etike.

Osim navedenog, a u skladu s nadležnostima, Zajednička komisija provodit će odgovarajuće aktivnosti po pitanju parlamentarnog nadzora nad radom ministarstava koja u svom djelokrugu imaju nadležnost za oblast ljudskih prava, te provoditi aktivnosti kojima će ukazivati na najvažnija pitanja i probleme u oblasti ljudskih prava i vršiti koordinaciju između institucija i organizacija, posebno s ciljem efikasnije zaštite najranjivijih kategorija stanovništva.

Predviđene aktivnosti Zajedničke komisije u 2022. godini zasnivaju se na realizaciji uslova proizašlih iz prijema Bosne i Hercegovine u Vijeće Evrope, provođenju međunarodnih dokumenata kojima je obavezana Parlamentarna skupština BiH, te na specifičnim aktivnostima Zajedničke komisije koje proizlaze iz njene nadležnosti utvrđene poslovnica Predstavničkog doma i Doma naroda Parlamentarne skupštine BiH. U realizaciji Orijentacionog plana rada, Zajednička komisija koristit će mišljenja i sugestije vladinih i nevladinih, domaćih i međunarodnih organizacija koje se bave pitanjima ljudskih prava, prava djeteta, mladih, imigracije, azila i etike.

U skladu sa svojim nadležnostima i Programom rada Vijeća ministara BiH, Zajednička komisija planira razmatrati prijedloge zakona i drugih akata, te druge aktivnosti kako slijedi:

I. KVARTAL – januar, februar, mart

- Razmatranje zakona i drugih akata upućenih od ovlaštenih predlagača i dostavljanje mišljenja i izvještaja Predstavničkom domu i Domu naroda Parlamentarne skupštine BiH;

- Obavještanje građana o ishodu podnesenih predstavki;
- Razmatranje i drugih pitanja iz oblasti ljudskih prava.

II. KVARTAL – april, maj, juni

- Razmatranje zakona i drugih akata upućenih od ovlaštenih predlagača i dostavljanje mišljenja i izvještaja Predstavničkom domu i Domu naroda Parlamentarne skupštine BiH;
- Obilježavanje 8. aprila, Međunarodnog dana Roma;
- Obilježavanje 3. maja, Svjetskog dana slobode medija;
- Obilježavanje 9. maja, Dana pobjede nad fašizmom u Evropi;
- Obilježavanje 15. maja, Međunarodnog dana porodice;
- Obilježavanje 20. juna, Svjetskog dana izbjeglica;
- Obilježavanje 26. juna, Svjetskog dana UN-a za podršku žrtvama torture;
- Obavještanje građana o ishodu podnesenih predstavki;
- Razmatranje i drugih pitanja iz oblasti ljudskih prava.

III. KVARTAL – juli, august, septembar

- Razmatranje zakona i drugih akata upućenih od ovlaštenih predlagača i dostavljanje izvještaja Predstavničkom domu i Domu naroda PSBiH;
- Obilježavanje 30. augusta, Međunarodnog dana nestalih;
- Obavještanje građana o ishodu podnesenih predstavki;
- Razmatranje i drugih pitanja iz oblasti ljudskih prava.

IV. KVARTAL – oktobar, novembar, decembar

- Razmatranje zakona i drugih akata upućenih od ovlaštenih predlagača i dostavljanje izvještaja Predstavničkom domu i Domu naroda PSBiH;
- Obilježavanje 1. oktobra, Međunarodnog dana starih osoba;
- Obilježavanje 15. oktobra, Svjetskog dana bijelog štapa;
- Obilježavanje 9. novembra, Međunarodnog dana borbe protiv fašizma i antisemitizma;
- Obilježavanje 16. novembra, Međunarodnog dana tolerancije;
- Obilježavanje 19. novembra, Međunarodnog dana borbe protiv zloupotrebe djece;
- Obilježavanje 20. novembra, Međunarodnog dana prava djeteta;
- Obilježavanje 25. novembra, Međunarodnog dana borbe protiv nasilja nad ženama;

- Obilježavanje 3. decembra, Međunarodnog dana osoba s invaliditetom;
- Obilježavanje 10. decembra, Međunarodnog dana ljudskih prava;
- Obavještanje građana o ishodu podnesenih predstavki;
- Razmatranje i drugih pitanja iz oblasti ljudskih prava.

Predsjedavajući Zajedničke komisije

Lazar Prodanović